

泰和縣志卷二十四

吉安府泰和縣知縣高陽冉棠重輯

人物志八

列女傳

宋

蕭氏

温氏女

蕭聘婦

元

泰和縣志

卷二十四

人物

列女一

曾氏

蕭均褒妻

義井四節婦

蕭氏 劉氏 陳氏 鄧氏

王氏

鄧心遠妻

鍾文妻某氏

明

胡氏

樂大成妻

劉氏

彭元復妻

陳氏

康仁安妻

嚴氏

胡祖與妻

蕭氏

劉志亨妻

蕭氏

郭希泰妻

劉氏

蕭子巽妻

陳氏

彭學孔妻

楊氏

梁潛妻

施氏

尹昌隆妾

廖氏

楊相妻

周氏

劉士鴻妻

郭氏

蕭翀妻

蔣氏

蕭壽遠妻

蕭氏

劉仲堅妻

梁氏

王欽妻

郭氏

蕭子綱妻

王氏

蕭禎妻

胡氏 曾繼福妻 陳氏 楊復環妻 郭氏 羅子宏妻

康氏 方子銓妻 蕭氏 楊崇義妻 曾門三節 楊氏 康氏

康氏 楊子珮妻 尹氏 曾鵬搏妻 尹氏 楊挺妻

梁門三節 楊氏 表氏 蕭氏 曾敏學妻

蕭氏 王永慶妻 曾氏 劉元妻 謝氏 劉如瓏妻

尹氏 歐陽甫妻 歐陽氏 白甫善妻 康氏 孫程妻

表氏 楊傳妻 劉氏 王仁鏜妻 劉氏女

蕭氏 郭文典妻 蕭氏 胡誥妻 尹烈女

鄢氏 陳象威妻 卓氏 表和妻 胡氏 彭文節妻

泰和縣志 卷二十四 人物 列女二

康氏 胡大述妻 蕭氏 曾廣實妻 劉氏 楊起予妻

劉氏 陳公康妻 □氏 楊霄妻 劉氏 歐陽嵩妾

梁氏 王學謹妻 王氏 蕭汝為妻 王門雙節 尹氏

曾烈女 三烈婦 羅氏 表氏 蕭氏 周欽毫妻

劉氏 胡節恩妻 蕭氏 楊載鳴妻 朱氏 廖韶妻

歐陽氏 楊赤鉉妻 翁氏 劉永輝妻 廖氏 楊玘妻

王氏 蕭貴言妻 梁氏 蕭時玉妻 楊門三節 劉氏 表氏

張氏 羅周達妻 劉氏 羅文忠妻 龍氏 梁宏讓妻

羅氏 □景學妻 康氏 楊啟妻 曾氏 康萬重妻

劉氏 張峰妻 羅氏 梁宏謹妻 郭氏 楊東泉妻

曾氏 羅秉厚妻 朱氏 劉端瑾妻 恒氏 蕭譚妻

蕭氏 龍含初妻 蕭氏 陳昌覲妻 尹氏等

國朝

曾氏 彭靄妻 蕭烈女 楊二烈女

孫氏 彭曰翔妻 羅氏 蕭卓如妻 李氏 王竒方妻

劉氏 吳名臣妻 歐陽氏 樂景文妻 彭氏 匡贊卿妻

王氏 單芳妻 蕭氏 劉正禧妻 曾氏 劉世芳妻

梁氏 彭遠春妻 戴氏 劉兆先妻附

泰和縣志

卷二十四 人物 列女 三

歐陽氏 附康標氏林妻 陳氏 周重先妻

謝門三節 羅劉氏蕭氏 匡門雙節 劉張氏

陳氏 李隆任妻 蕭氏 尹隆生妻 劉氏 尹詵妻

孫氏 王沁臣妻 匡氏 曾任卿妻 曾氏 嚴以尊妻

溫氏 魏文煥妻 康氏 劉禹三妻 謝氏 陳鳴竹妻

劉氏 周德盛妻 龍氏 彭殷侯妻 陸氏 彭元妻

嚴氏 孫光覲妻 曾氏 蕭崇桂妻 彭氏 劉嶠妻

劉氏 王愈融妻 王氏 蕭從沛妻 曾氏 周應選

曾氏 周際蓉妻 蕭氏 陳廷修妻 羅氏 劉南臺妻

蕭氏 王悅先妻 曾氏 劉文接妻 郭門三節 張氏 劉氏

蔣門雙節 彭氏 康子幹妻 蔣門雙節 並周氏

張氏 劉嗣濟妻 蕭氏 曾毓口妻 蕭氏 嚴竒瓊妻

張氏 周永琮妻 蔣門雙節 並歐陽氏 周氏 郭萬鍾妻

曾氏 匡祖祐妻 嚴貞女 鍾氏 黃元葵妻

劉氏 蕭仲歡妻 鄒氏 王培學妻 林氏 王愈英妻

蕭氏 袁尊先妻 劉氏 張熙妻 康氏 劉子餘妻

劉氏等 尹氏等

宋

泰和縣志 卷二十四 人物 列女 四

蕭氏張汝賢汝明之母賢而克教至脫簪珥資之家因

以貧或笑其迂濶蕭不之顧及汝賢兄弟學成登第

笑者愧服 宏治志

溫氏女武溪人幼聘與曾安強尚未婚安強讀書快閣

有廣帥過而竒之逼妻以女溫聞安強停婚自縊大

觀四年詔旌其門 宏治志

按萬歷志稱安強登第後曾夢小室中一婦人懸

其上覺疑溫氏也遂就官至提舉卒唐伯元引曾

于拱語謂此係傳記之誤

蕭聘婦失其姓名邑富家女為蕭楚所聘蕭貧其父母背盟欲改適聘婦聞而自縊以死楚義聘婦遂終身不娶

宏治志

按通志載婦於嫁之日縊死車中

元

曾氏蕭均褒妻生子善顧方二歲均褒越境就傳得療疾將死曾年二十二痛哭引刀斷左手二指滴血濺酒同飲而誓天曰留此二指殉夫衾袖附同棺槨庶日後不羞顏於地下越七日均褒死如其言納之後

泰和縣志

卷二十四

人物

列女

五

子善顧任醫院欲以其事請旌曾止之墓產靈芝人以為節孝所感

康熙志

義井四節婦蕭氏楊用霖妻姑康氏失明蕭扶持十餘年不倦時紅巾寇亂姑不能趨避蕭與子婦劉皆不忍去城陷皆自投井中鄰婦劉應瑞妻陳氏側室鄧氏從而繼之俱死先是蕭與陳鄧素往來相熟語及寇亂嘆不知死所蕭指井曰設不幸赴此而已陳鄧皆諾至是復其言嘉靖間御史蕭端蒙建義井祠邑

人曾雲為記

萬曆志

按省志作安成劉雲章嘗著蘭陵烈婦傳牽連書之宏治間知縣楊南金為立四節婦祠

王氏鄧心遠妻至順間心遠教授南海死廣氏聞訃痛絕其子彬尚幼氏紡織養孤每勉之曰家不必富要能承其先身不必貴要不辱其親兵寇頻興母子相保不見亂而沒

康熙志

鍾文妻某氏失其姓元末盜起湖南入江西陷袁吉贛諸郡執文令之降文大罵賊怒劊之妻見而號呼投井周是修目擊其事作長歌以悼之

豫章書

泰和縣志

卷二十四

人物

列女

六

明

胡氏樂大成妻洪武二年大成遭危疾禱天願以身代繼病革即斷髮立誓夫沒泣血被面水漿絕口幾不欲生攢棺屋舍間朝夕奠哭即服闋猶若初喪育四子俱成立謀請旌表氏曰守節乃分內事奚以旌為及卒楊士奇為之銘

康熙志

劉氏名靈萬安人歸彭元復為妻生二男三女詡其長也年二十六而寡誓死不嫁教詡以學嘗指夫所遺書訓曰此爾父素業能讀父書吾志慰矣詡長為建

□訓堂楊士奇金幼孜王直等並紀以詩文

康熙志

陳氏名端康仁安妻年二十歸康五年夫亡惟一子德昭甫三歲陳氏剪髮誓無二志養孤撫子姑沒喪葬如禮元季盜蹶攜子匿山中得全既卒詔旌其門

萬歷

志

按通志作陳氏名端生歸康安仁生子德昭又三年夫亡與李唐兩志及府志互異而子德昭則同蓋通志誤又通志載陳守節七十年洪武十六年僉事翁師善廉得其實以聞十九年旌門可補邑

泰和縣志

卷二十四

人物

列女

七

志之闕

嚴氏名惠胡祖與妻夫亡年二十七子仲宣生未踰月誓不他適惟務織紵養姑年八十以終洪武十六年

旌

宏治志

蕭氏名春劉志亨妻早寡有節義洪武十六年旌

宏治志

蕭氏名喜郭希泰妻年二十六夫亡子瑀方四歲舅姑俱卒氏誓不他適元季兵變抱孤匿山中以免洪武

二十九年旌

宏治志

劉氏名愛蕭子巽妻禮法自持年二十五夫亡一子方

三歲誓不他適紡績事姑遣子從師期不墜宗祀年
逾六十始終一節宏治志

陳氏名誠彭學孔妻年二十九夫亡守志姑年老奉養
尤篤家故有城南水竹居楊士竒未仕時常講學其
中節婦四子貴雅貴和貴肅貴彥皆從受業卓有成
立人比之為陶母宏治志

楊氏侍讀梁潛妻永樂十六年潛被讒死殯之文明門
外其妻時隨在北京慟夫非命哀毀不食數日亦死
明年其家始啟殯合葬於泰和縣北下龍明仰天湖

泰和縣志

卷二十四

人物

列女

八

之原楊士竒為之銘

楊東里集

施氏尹昌隆妾昌隆因呂震讒被誅施氏攜其子顥托
楊士竒泣曰尹氏一綫惟公生之妾死不朽後竟代
正妻康氏同昌隆受戮訥菴行實

廖氏主事楊相之妻年十九相卒子奕奐皆幼氏矢志
自守事舅姑盡孝舅姑沒葬祭以禮二子皆成立正

統中旌

宏治志

按通志相卒於官氏年二十二扶襯歸葬相初娶
曾氏有女撫育之如所生景泰元年旌門與此互

異

周氏名性劉仕鴻妻嫁時年十七夫被徵卒於京師婦年十九生子纔一月誓無二志姑楊氏疾篤婦夜禱於北辰姑疾遂愈正統中旌 宏治志

郭氏蕭翀妻賢而知禮慈而不妬二子一己出一庶出常分所有必均衆謂己子宜厚曰子一也何有厚薄鄉族稱頌之 宏治志

蔣氏名壽蕭壽遠妻年二十八夫亡蔣勤儉誨子孝事舅姑後子思敬官慈利縣丞正統中旌 宏治志

泰和縣志

卷二十四

人物

列女

九

按通志蔣氏名壽松與此異

蕭氏劉仲堅妻年二十一夫亡田產多讓伯兄曰婦人無夫苟免饑寒足矣守節茹苦撫二孤成名見梁潛貞節祠記 宏治志

梁氏紀善混之女嫁為王欽妻夫早卒無子誓不他適以貞節自持景泰間旌 宏治志

郭氏蕭子綱妻年二十夫亡誓守節勤織紝以助家事舅姑稱孝景泰間旌 宏治志

□氏尚書直之女嫁為蕭禎妻年二十夫亡矢志不二

貞節自持景泰間旌志宏治

胡氏名淑廉曾繼福妻年二十夫亡鬻奩俱以治喪誓

不他適養舅姑以孝景泰間旌志宏治

陳氏楊復環妻性行貞潔早寡勤儉撫孤節操凜然長

于渙廣東按察僉事天順間旌志宏治

郭氏羅子宏妻早寡夫弟利其業撓之使嫁婦屹不口

動甘勤苦以告二孤長緹讀書為士次繹任馬龍州

同知成化中旌志宏治

康氏名異方子銓妻早寡無子貧甚依其同產御史驥

泰和縣志 卷二十四 人物 列女 十

同居終身一節成化中即康氏所居旌表志宏治

蕭氏楊崇義妻夫亡時婦年二十五遺孤璿方二歲誓

不改節守節四十餘年成化中旌志宏治

曾門三節楊氏曾思文妻思文卒楊年二十四守節撫

孤嶽比長入邑庠為娶康氏女生子洧嶽又死康守

節如姑景泰間有司請旌表詔下而洧亦卒妻任氏

或勸之嫁任曰吾曾門無背夫婦人亦守節以終志通

康氏名淑觀楊子珮妻以能詩名尤篤於教子孫夫族

祖士竒稱其達書識理及卒學士劉定之銘其墓治宏

志

□氏名觀貞嫁曾鵬搏生一子冕纔三歲夫亡時年二十六矢節育孤年七十八而卒其夫弟少司寇時升每欲具聞請旌轍止之曰此分所宜也時升每稱道為族姻之母婦勸宏治志

尹氏名至楊挺妻挺任南京都察院檢校卒無一錢之遺惟書史數笥而已尹拾以歸曰此吾夫遺後貲也同官者以其族祖少師士奇當國多賻之一無所受都憲朱為買棺殮得歸其喪尹甘忍苦淡奉姑孝撫

泰和縣志

卷二十四

人物

列女

十一

長子儉遺腹子倜皆舉明經儉官為教諭倜為通渭

王教授

萬歷志

梁門三節並布政使槩之子婦長曰宏仁妻楊氏宏仁卒時年二十七即牽其子壽拜告於天地祖宗曰夫雖不壽幸有此子吾當守以終身後果如其志次宏義妻袁氏宏義仕為湘鄉縣學訓導卒時袁氏年方三十攜二孤宸富以歸矢節以守又次宏禮妻龍氏年二十四而宏禮卒子寅方五歲妯娌相與砥礪堅守閨闈肅然事見曾憲使蕭長史所為節孝傳宏治志

蕭氏曾敏學妻生一子道從方七日而敏學亡氏以死自誓撫孤成立年七十五卒孫克寬早亡妻郭氏年二十五曾孫嘉謨亦早亡妻陳氏年二十皆感慕蕭之風以節義相尚邑人扁其所居堂曰三節宏治志

蕭氏王永慶妻早寡無子家頗饒族衆利其所有或勸之他適且謀立後蕭曰姑老吾去誰與送終立後固是然比立則彼怨反起爭端於是歲計所入供衣食外餘悉以分諸族孝養其姑以天年終宏治志

曾氏慈谿訓導劉元之妻早寡忍貧堅守以死自誓勤

泰和縣志

卷二十四

人物

列女

十二

女紅以植家事祖母羅敬愛脩至教育二子俱不墜先業邑人曾蒙簡為題所居堂曰節孝宏治志

謝氏名善劉如瓓妻如瓓死謝年二十二斷指誓守夫弟如瓊利其產謝攜產券終不能奪如瓊竟溺死江湖人以為天報邑人劉鏊題其墓曰苦節萬歷志

尹氏歐陽甫妻早寡無子誓不他適立侄時昕為後盡心教之遣遊邑庠時昕念母老不忍去左右乃援單丁侍親例告歸終養於家有司嘉之同時陳玉環妻蕭氏劉仲勉妻李氏劉仲斌妻胡氏韋伯魚妻康氏

皆成化中被旌宏治志

歐陽氏白莆善妻夫亡氏年二十六守節三十餘年宏

治九年旌宏治志

康氏運使驥之女嫁為嘉興同知孫程妻性至孝程就
選京師母沈病劇醫言不可治康乃禱於天刲左臂
肉和藥以進沈病遂愈萬歷志

按唐伯元稱刲股非孝也出於婦人女子則可尚
袁氏楊傳妻傳卒年二十七子纔二歲姑曾氏憐其早
寡微諷以觀其意袁泣曰吾士人妻敢二其心以貽

泰和縣志 卷二十四 人物 列女 十三

羞辱孀居三十五年年六十二以壽終邑人曾彥為
之傳宏治志

劉氏名珠王仁鏜妻仁鏜早世劉誓死守節撫孤其孤
日顯及長奉其母以孝聞邑人尹直匾其堂曰慈節
年八十餘以壽終宏治志

劉氏女名元初聘張士廉之子張極貧為媒氏所惑議
將改適女聞憤罵媒氏自縊死萬歷志

蕭氏郭文典妻夫死時年纔二十五刻苦守節紡織撫

孤歷三十餘年宏治志

蕭氏廬陵蕭詢之女嫁胡誥為妻未踰年而誥死時年十八誓不二志孀居四十五年撫遺腹子曰光嶽卓然樹邑人蕭維禎為作傳宏治志

尹烈女南園人景泰初鄰人以事為官兵所執尹家槩罹禍時女年十九且嫁度不免自縊死萬歷志

鄢氏陳象威妻象威沒鄢年二十五長子端章纔三歲幼子端仲甫晬以死自誓孀居三十七年邑人蕭廷冕嘉其節義為作傳宏治志

卓氏河南中牟人以宮女出為進士袁和繼室宣德己泰和縣志

卷二十四 人物 列女 十四

未和卒卓年二十七衆謂其無內外親戚恐有他志卓毅然誓守歷五十餘年宏治志

胡氏彭文節妻文節病革謂胡曰吾子尚幼汝當為我保之胡應曰諾文節既沒孀居三十餘年辛勤撫孤成立卒年六十有五長史蕭士高為作傳僉事蕭器

用銘其墓宏治志

康氏胡大述妻大述死時康年二十五二子嘉錄纔五歲嘉鑕甫晬康氏以死誓勤苦治家節操凜然宏治志

蕭氏名艮曾廣實妻廣實死誓不他適辛勤育孤見其

次子曄向學遣遊邑庠節縮日用資之鄉族稱賢母
見從子蕭彥所為傳宏治志

劉氏楊起予妻起予官黃陂令性廉介劉相之一如貧
賤時尋卒于官劉年二十五力織紝教育其子卒又

撫其孫萬歷志

劉氏陳公康妻公康早卒劉年二十四生子終踰月守
節養孤及長為娶任氏女踰年其子復卒任年十九
生遺腹子誓與姑同志學錄梁栗作雙節記康熙志

陳氏楊霄妻生子甫二旬霄死陳年二十指所御簪珥

泰和縣志

卷二十四

人物

列女

十五

繡裳曰吾自今無事此矣執喪三年不見微笑制滿
外戚諷之嫁陳持一斧晚兒言曰湏斧此兒乃可改
其人吐舌走自是無復有言者卒年六十二邑人歐
陽雲扁其堂曰慈節萬歷志

劉氏名季姐金陵人郎中歐陽嵩側室嵩卒劉年二十
五誓隨正室蕭氏守蕭曰此非易事且汝無嗣何為
劉曰有宜人在死生以之竟與共卧一室供織紡不
窺戶外蕭病劉侍湯藥月餘衣不解帶蕭慰之曰汝
□自愛吾死有兒婦養汝劉曰妾矢志與宜人同生

死萬一不起妾敢愛生未幾蕭卒劉哭盡哀視殮畢
遂自縊柩旁年五十一萬歷志

梁氏王學謹妻年二十四夫亡截髮守節撫子國成成立正德十一年劇寇蜂起國成起義兵從王守仁討宸濠有功回兵剿峒賊為餘孽所殺事聞旌其門曰

母子節義之門縣冊

王氏蕭汝為妻汝為沒遺腹生女時年十九翁姑憐其少無子諷之改適不應尋痛哭累日翁姑始悟及女天亡復有諷之者王厲聲曰吾前此豈為女守耶性

泰和縣志

卷二十四

人物

列女

十六

嚴整獨坐一室即五六歲童子不敢近萬歷志

王門雙節姑尹氏王懷治妻懷治故遺孤如樂尹守育之迨長娶婦劉氏未幾如樂復亡遺孤一輝劉亦堅守如尹尹孀時家稍給至劉益落艱辛備嘗萬歷志

曾列女名淑貞求紫卷人許配同里任綱綱隨父任卒訃聞貞女自縊死適綱襯歸遂葬同穴

按淑貞萬歷志作淑貞誤

三烈婦羅氏曾周易妻時流寇至周易遇害欲執羅羅哭罵賊賊怒鎗其腹貫至喉下猶詬詬聞罵聲隆慶

間旌袁氏曠子雲妻被虜誓不辱投水死子雲義之
終身不娶劉氏胡孟賞妻寇至被執罵不輟口賊支
裂之萬歷志

蕭氏周欽毫妻嫁三歲夫亡累以身殉周戚勸之曰遺
孤在襁老姑在堂何以安亡人於地下因矢志不貳
移柩內庭旦夕躬奠上食如生服闋猶哀泣不止茹
苦奉姑翼子年八十有二建貞節坊康熙志

劉氏胡節恩妻節恩抱病不起呼劉氏曰汝年二十二
長子甫五歲次在襁裸家無生計恐難守氏泣曰夫

泰和縣志

卷二十四

人物

列女

十七

何不諒我心也遂向天自誓引刀斬尾指痛昏仆地
而節恩已瞑目矣因以尾指附棺中族人稱為九指

婦

康熙志

蕭氏楊載鳴繼妻歸楊兩月載鳴卒于京孀居矢節數
十年中雖族戚罕見其面年五十四卒萬歷間旌
康熙志

志

朱氏霍山令廖韶繼室韶以考績謁總漕于淮卒旅次
氏年二十五哭之慟扶柩歸葬事姑孝養備至撫一
孤口恩勤憐大兒失母愛同己出俯仰之資悉出衿

□ 府志

歐陽氏楊赤鉉妻生子仁愿數月而寡年永二十斷釵
毀容鞠子就學仁愿成進士官御史請于朝奉勅建
坊壽七十二而終 通志

翁氏劉永輝妻鄰人嘗歸所假稱具者既啟視有金餅
二氏謂永輝曰此必某所遺掩而有之不義盍召還
之其人始驚謝無何永輝卒子幼力單勤績以給有
里母勸之嫁氏泣罵絕弗與通剪髮自誓正統乙巳
沙河尤盜起攻圍城勢危甚氏謂其子璋曰汝身宗

泰和縣志

卷二十四

人物

列女

十八

祀所繫萬一城陷宜求自全母以我累明年二月竟
以驚憂成疾卒年四十九後七年璋成進士官于朝
彭教為之傳 灑江集

按通志載劉永輝妻翁氏泰和人而李唐兩志俱
闕登科內亦無劉璋名姑存俟考

廖氏名仁姜楊玘妻年二十二而玘卒撫遺孤子守節
被旌 通志

王氏名蓮娘蕭貴言妻年二十五貴言卒家甚貧子女
各一人紡績以給朝夕教撫不懈年六十而卒 通志

梁氏名文英蕭時玉妻年二十時玉卒卒時瞠目視兒女梁逆知其意嚙指誓之遂瞑目撫子事姑終身無怨言年七十七卒祭酒羅璟謂其如精金美玉不負所天云

明統志

楊門三節劉氏名清球楊崇禮妻年十九崇禮亡遺腹生男曰瓌甫一月劉抱告於天曰妾夫病革時囑曰我死後若生男是天不絕我也汝為我守節養成人則我不死矣妾已諾之今幸有此子敢告于天誓無他志自是刻苦育瓌年十七娶袁氏桂英袁方有娠

泰和縣志

卷二十四

人物

列女十九

而瓌遽卒生男曰校袁守志如姑校既冠娶王氏名錦方一年校又卒卒後五月生一男曰鶴王既有鶴亦以死守自誓朝夕相依二母閨門肅然

萬歷志

張氏羅用達妻用達死外家欲奪其志張絕之不相聞問者三十餘年

萬歷志

劉氏名淑賢羅文忠妻文忠客死湖廣時年二十四口訃幾絕羅族人欲奪其志劉隱忍佯若不聞既而聞夫喪抵河遂自縊死死之處其形印地家人以為口久之乃没

萬歷志

龍氏名淑柔梁宏讓妻年二十五夫亡守節三十五年
撫孤安民成立一女適楊曾同曾同早世守節撫孤
一如其母宏治志

羅氏名欽朱景學妻景學早世羅氏年二十四遺二孤
尚幼羅氏焚香告天誓不改節勤儉織紝延師誨孤
奉舅姑孝養嘗出稻穀賑濟助白金修學時稱其守
節尚義宏治志

康氏名勉娘嫁楊啟啓為文貞公士奇孫早亡康年二
十二歲一子霈方齠方亂誓不他適撫育長成克世其家

泰和縣志

卷二十四

人物

列女

二十

宏治志

曾氏康萬重繼妻萬重卒子穀年尚幼曾撫教之身織
紡紝穀每學舍歸必令從旁誦習至夜分不寐及成
名始有喜色謂穀曰我可見汝父于地下矣崇禎間
封孺人新志

劉氏員外張峰妻峰早卒姑病篤焚香告天割股和羹
以進姑尋愈劉以節終縣冊

羅氏梁宏謹妻年二十二夫亡遺孤在襁裸姑憐其少
諷之他適羅斬指自守植孤有成年七十而終縣冊

郭氏楊東泉妻年十八夫客死遺腹生子甫一月父母
憐其少而貧屢勸之嫁郭引刀割耳破面乃止撫子
成立苦守四十餘年而終 縣冊

曾氏羅秉厚妻年二十六夫亡一子甫彌月矢節教育
年七十四卒羅用俊為著慈節傳 縣冊

朱氏劉端權妻年十八夫亡遺孤純臣矢志守節事翁
姑至孝純臣由歲薦官南城教諭朱年八十有七卒
縣冊

恒氏蕭譚妻夫死有強之改節者自縊死又周有泮妻

泰和縣志

卷二十四

人物

列女

二十一

王氏年二十一因夫勤學邁疾卒潛入內室自經死
縣冊

蕭氏龍含初妻年二十夫亡遺子御天甫二齡隣婦勸
其他適厲聲相拒斷髮誓信孝友翁姑撫子成名年
九十有五崇禎間旌 縣冊

蕭氏陳昌覲妻年二十夫病親嘗痰血夫沒無子八十
二歲茹苦守節終又楊榮邦妻王氏王一朝妻陳□
蔣應璽妻劉氏王錫珪妻劉氏並苦節全貞 縣冊

□□訓妻尹氏梁敦妻楊氏胡日舒妻歐陽氏皆嘉□

間旌尹門雙節蕭氏郭氏隆慶間旌何一慤妻□□
周淳景妻張氏並萬歷間旌

國朝

曾氏彭靄妻靄死難虔州其妻誓死不嫁順治戊子隨
父曾起隆入山避兵匿溝中兵追至迫之使出曾氏
厲聲大罵曰我義士彭靄妻也汝敢辱我兵怒發矢
中乳溝水盡赤起隆負之歸曰吾有面見夫矣越二

日氣絕

康熙志

蕭烈女年十八猶未適人順治己丑遇山寇強挾以行

泰和縣志

卷二十四

人物

列女

二十二

女曰我寧死不從也賊怒鎗貫其腹而死

康熙志

按縣冊有兩蕭烈女一為蕭不器女一為蕭良傑
孫女疑是一人兩載俟再查

楊二烈女名石卿端卿皆殊色一初字人一未字順治
戊子遇兵誓死不從殺一婢爰玉恐之不為動昂首
掠髮必求加刃兵猶顧惜二女□□詆罵奮起擊裂
其衣兵怒俱被殺

府志

孫氏彭曰翔妻年十八歸彭順治己丑從夫避兵忽騎
兵突至相失隔水見夫中箭以為必死號哭投水後

夫獲生而孫氏竟溺死

府志

羅氏蕭卓如妻順治己丑被寇逼不從賊殺之

新志

李氏王竒方妻順治三年避譚兵亂猝與遇嘆曰身可

殺不可辱遂投水死

縣志

劉氏吳名臣妻順治五年遇兵懼辱投塘死兵去家人

聞而撈其屍數日不獲夫至屍始浮面貌如生

縣志

歐陽氏樂景文妻年二十被兵擄逼執釵刺頸而死

縣志

彭氏匡贊卿妻年十九值亂被執罵賊不從而死

縣志

王氏單芳妻年十七兵至欲辱之投水而死芳年十九

泰和縣志

卷二十四

人物

列女

二十三

誓不再娶

縣志

蕭氏劉正禧妻康熙甲寅被寇逼不從為所殺女姪蘇

英亦頭沙塘死

新志

曾氏劉世芳妻康熙甲寅被寇逼不從投水死又劉貞

生妻鄭氏亦不從賊抱女赴水死

新志

梁氏彭遠春妻順治初高柯兵至被逼投水受箭死

新志

戴氏劉兆先妻康熙甲寅被兵遇賊逼不從被殺又同

時周洞生妻梁氏賊逼不從投廁死又有郭氏避寇

為賊逼不污死之

新志

歐陽氏康標林妻康熙甲寅被賊逼投水死又蔣尚袞

妻康氏同時避賊恐賊污投河死

新志

陳氏周重光妻康熙甲寅夫被寇獲持刃陳以身當寇

被殺夫乃得免

新志

謝門三節劉氏謝欽鑲妻欽鑲早死劉年甫二十六翁

疾痿痺子俊又幼曲盡慈孝苦節自甘蕭氏即俊妻

俊早卒有子守桂守相蕭撫育訓誨及守桂長娶妻

羅氏生子之蘭守桂客死異地索負填門或欲奪其

志曰吾太姑及姑一醮不改安敢玷先人世稱為三

泰和縣志 卷二十四 人物 列女 二十四

世全貞

康熙志

匡門雙節張氏匡慶煒妻慶煒病亡張年甫二十忍死

守節子紳承母訓補邑弟子員娶劉氏又早世以病

死劉亦矢志如其姑

康熙志

陳氏李隆任妻年二十六隆任病革乏傳誓不他適依

外兄立三世木主朝夕哭奠甲寅之亂負囊而逃皆

自得伯開文籍賊索其貲解囊惟有書卷義釋之年

六十餘每言先世事輒哀毀如新孀婦

康熙志

按伯開為隆任父自得即伯開父也

蕭氏尹隆生妻事翁姑至孝年二十三歲隆生死誓守
不二長子文燦甫三歲次子文炳終兩月氏撫育教
訓俱有成立又樂善好施設饘粥以救饑建橋梁以
利涉遠近德之冊縣

劉氏尹詵妻年二十二生子承元終二歲詵病氏焚禱
願以身代及沒撫柩設誓永無二志養姑育子脩極
辛勤春秋祭日先期齋戒必肅冊縣

孫氏王沁臣妻年十九歸王一載夫死父母議改適遂
自縊建坊旌表府志

泰和縣志

卷二十四

人物

列女

二十五

匡氏曾任卿妻生子珪尚幼任卿遊贛忘歸竟卒於外
氏堅持守節歷久不渝年八十一卒又蕭欽位母楊
氏樂需賢妻高氏並全節完名冊縣

曾氏嚴以尊妻年二十三夫死窀穸後另不出闕苦守
清貧事翁姑至孝訓子成名又羅問禮妻張氏年二
十一夫亡遺孤甫二歲持家肅然克盡婦道鄉族咸
欽其才節冊縣

□氏魏文煥妻年二十二夫旅死粵東氏迎柩歸葬畢

縊死靈座側

冊縣

按竹村集載婦子夫柩歸迎之蜀江及塋以頭觸棺欲速死與同穴左右翼之歸投于深池復救起至夜盡焚其衣奩雉經于靈側而死年二十有一康氏劉禹三妻年十八夫亡舅姑老且病康脩極敬養撫遺孤至於成立

通志

謝氏陳鳴竹妻夫死謝年二十守節父母憐其少寡屢勸改適氏斬指以誓養姑至孝撫孤汪成名

縣冊

劉氏周德盛妻康熙乙卯山寇擄掠德盛卒衆禦寇而死時劉年二十泣對翁姑願代夫奉養撫孤自守年

泰和縣志

卷二十四

人物

列女

二十六

七十終

縣冊

龍氏彭殷侯妻年二十四夫病革斷髮誓天尊夫遺囑養姑教子終始如一日年七十有二卒

縣冊

陳氏彭元妻年二十四夫亡誓死守節事翁姑曲盡婦道撫兩孤成立歷三十餘年

縣冊

嚴氏孫光覲妻夫亡斷髮撫孤常藏七首以自誓事舅姑以孝聞

縣冊

曾氏蕭崇桂妻年二十四桂卒遺腹子宏坤曾修婦職事翁姑孝謹雍正四年旌

新志

彭氏劉嶠妻年二十夫亡止一女撫姪遐為嗣遐又早
世無傅氏與姑同寢處二十餘年捐產建祖祠立夫
祭雍正四年旌冊縣

劉氏廬陵人嫁為王愈融妻康熙甲寅寇亂避兵石壁
山中愈融死劉慟哭幾絕復蘇事翁撫孤艱苦備歷
猝遇寇將逼之氏誓死不污忽虎突至賊駭散獲免
除夕翁室不戒于火翁病足躄不能興氏冒烈焰救
之出人皆欽其節孝雍正七年旌子元坦早卒婦朱
氏守節如姑孫婦袁氏亦少寡矢志新志

泰和縣志

卷二十四

人物

列女

二十七

王氏蕭從沛妻愈擴女夫亡年二十無子撫姪守節凡
四十一年雍正八年旌通志

曾氏周應選妻年二十三夫亡撫孤誓節四十年同邑
歐陽泰妻劉氏青年撫孤守節俱雍正九年旌表通志

曾氏周際蓉妻事姑以孝聞年二十七際蓉卒曾扶柩
歸塋授溪橋下以殉救之得免立志不二雍正十二

年旌冊縣

蕭氏陳廷修妻年十九廷修卒矢志撫孤乾隆二年旌

冊縣

羅氏年十六歸劉南臺越四歲南臺身故羅年二十屏
簪珥紡織自給撫孤成立孀居六十六年至八十五
終乾隆二年旌冊縣

蕭氏土悅先妻年二十七夫亡甘貧守節養姑撫子年
八十三卒乾隆三年旌冊縣

曾氏劉文接妻歸甫三歲舉一子文接卒曾誓死不變
志事姑撫孤年八十二卒乾隆五年旌冊縣

郭門三節張氏郭有啟妻啟卒張年二十二撫孤良賢
成立娶劉氏良賢又卒時從兄良仕妻王氏亦早寡

泰和縣志

卷二十四

人物

列女

二十八

二氏並繼張志守節不二乾隆六年建三節坊冊縣

蔣門雙節彭氏蔣日性妻陳氏蔣定講妻姑媳並早寡
矢志不二乾隆七年旌冊縣

胡氏康子幹妻年二十餘夫七苦節撫孤乾隆七年旌
蔣門雙節周氏蔣冠冕妻年二十四孀居卒年七十一
子廷錫亦娶子周年二十二而寡姑媳兩世苦節乾

隆八年旌冊縣

張氏劉嗣濟妻年二十三夫亡子永仁甫三齡撫而泣
曰劉氏三世惟茲一綫未可死也守志撫孤乾隆八

年旌
冊縣

蕭氏曾毓駒妻毓駒垂沒謂蕭曰我病不起若將奈何
蕭泣曰忍死當無二志及卒蕭勤勞撫孤節操凜然

乾隆八年旌
冊縣

蕭氏嚴竒瓊妻年二十六夫亡蕭事孀姑孝撫遺孤慈

乾隆九年旌
冊縣

張氏周永琮妻夫亡張年二十八慟哭喪明撫孤有成
琮妹周氏適劉早寡張迎歸同居完操以老乾隆十

三年旌
冊縣

泰和縣志

卷二十四

人物

列女

二十九

蔣門雙節皆出歐陽氏姑名德音歸嚴莊蔣浴日越九
年而寡子立名立言俱幼立言長以再從女姪為婦
未幾立言卒斷一指以殉姑媳同節乾隆十三年旌

冊縣

周氏郭萬鍾妻笄年歸萬鍾夫卒年二十四家無餘粟
戶無次丁甘貧撫孤有堂姪生而父母並逝周取而
乳之教養婚娶無異己子乾隆十四年旌
冊縣

曾氏匡祖祐妻乾隆十四年祐疾知不起憐曾年少□
令死後改適曾曰子不幸有死無二祐卒號哭晝□

無間臨窆以身投穴人挽之出歸哭于室求自□□
防之嚴明日俟姑出沐即引帛自縊死乾隆十六□

旌
冊縣

嚴貞女許字吳萬筌未笄父母並喪女年十一歸吳撫
養未婚萬筌往川十餘年客死翁姑欲以次子成婚
女不從投繯數次翁姑知其意堅遂撫族子世維為
之後克完志節年至七十餘志新

鍾氏黃元葵妻元葵卒鍾百計求死家人守護加嚴常
晝夜哭不絕聲及七七期滿鍾再拜夫靈入室登樓

泰和縣志

卷二十四

人物

列女

三十

自縊死

志新

劉氏蕭仲歡妻仲歡商滇南客死乾隆二年襯歸劉痛
哭幾絕安厝如禮悉出其故夫冠裳衣履之屬焚之
以身赴火衆救之得不死遂入室自縊死志新

郭氏王培學妻年二十五夫死矢志堅守不以貧苦易
操敬養老姑教育孤子成人冊縣

林氏王愈英妻年二十生子甫三月夫死矢志守節紡
績營生年七十五而終冊縣

蕭氏表尊先妻夫死約即繼逝越數月拜別父母翁姑

私脩殮服時值登穀薦新以飯一□□□□□□□

相對繫頸而亡冊縣

劉氏張熙之妻性沉默喜讀列女傳姑病卧經年撫摩

不倦垢污悉以手盛撤去姑亡夫隨卒氏年二十四

斷指祭墳誓守訓孤有成年八十六歲終冊縣

康氏劉子餘妻年十九夫亡守節終翁姑之喪遂不食

而死冊縣

劉氏名淑慈蕭道邇妻乾隆癸亥大饑劉設粥廠于家

分三局別男女就食者日至千人賑畢後有至者人

泰和縣志 卷二十四 人物 列女 三十一

給米二升族之貧者人月給穀五斗全活甚衆有司

以聞方伯彭家屏為立傳新志

蔣日萃妻劉氏雍正十年旌李千畿妻尹氏王而蓉妻

龍氏蕭魁昇妻謝氏並雍正十一年旌劉士鳳妻任

氏雍正十三年旌冊縣

尹氏李森佩妻乾隆元年旌彭氏陳家復妻郭氏彭仁

修妻又妾劉氏又胡友澍妻嚴氏胡奎卿妻郭氏胡

其惺妻劉氏並乾隆二年旌蕭道珠妻劉氏乾隆三

年旌嚴畧三妻温氏蕭一皞妻劉氏蕭克圭妻胡氏

並乾隆四年旌蕭一墀妻歐陽氏蕭欽曉妻劉氏嚴
召南妻蕭氏尹明經妻劉氏劉敬詮妻周氏並乾隆
六年旌吳立瀆妻王氏蕭世鑠妻李氏羅天申妻蕭
氏並乾隆七年旌高學誨妻蕭氏高學記妻陳氏孫
子超妻王氏賴宗諭妻昌氏胡志海妻吳氏蕭魁遵
妻曾氏並乾隆八年旌蔣昌立妻蕭氏羅時僅妻謝
氏夏文琦妻羅氏孫繼堯妻羅氏蕭魁煊妾趙氏並
乾隆九年旌王而鈿妻鍾氏蕭建中妻劉氏蕭登庭
妻胡氏蕭昌傑妻郭氏並乾隆十年旌尹登庸妻劉
氏尹吉慶妻彭氏蕭樂天妻袁氏並乾隆十五年旌
尹恒慶妻高氏蕭泰龍妻歐陽氏並乾隆十六年旌